

湖廣通志

湖廣通志

武昌府詩類

本府

江夏縣附



鸚鵡賦

禰衡

惟西域之靈鳥挺自然之奇姿體金精之妙質含火德之明輝
性辯慧而能言兮才聰明以識機故其嬉遊高峻棲峙幽深飛
不安集翔必擇林紉趾丹觜綠衣翠衿采采麗容咬咬好音雖
同族於羽毛固殊智而異心配鸚鵡^絲凰而等美焉比德於衆禽於
是美芳聲之遠揚偉靈表之可嘉命虞人於隴坻詔伯益於流
沙跨崑崙而播弋冠雲霓而張羅雖網維之備設終一日之所
加且其容止閑暇守桓安停逼之不懼撫之不驚寧順從以遠
害不違忤以喪生故獻金者受賞而傷肌者被刑爾乃歸窮委

命離群喪侶閉以彫籠剪其翅羽流飄萬里崎嶇重阻踰岷越
障載罹寒暑女辭家而適人臣出身而事主彼賢哲之逢患猶
棲遲以羈旅矧禽鳥之微物能馴擾以安處瞻西路而長懷望
故鄉而延佇忖陋體之腥臊亦何勞於鼎俎嗟祿命之衰薄奚
遭時之險巇豈言語以階亂將不密以致危痛母子之求陽哀
伉儷之生離匪餘年之足惜歟衆雖之無知背蠻夷之下國侍
君子之光儀懼名實之不副耻才能之無奇美西都之沃壤識
苦樂之異宜懷代越之悠思故每言而稱斯若乃少昊司辰蓂
收整轡嚴霜初降涼風蕭瑟長吟遠慕哀鳴感類音聲悽以激
揚容貌慘以顛顚聞之者悲傷見之者隕淚故臣爲之屢歎棄
妻爲之歔歔感平生之遊處若均席之相須何今日之兩絕
兮若胡越之異區順櫳檻以俯仰闕戶牖以踟躕想崑山之高

蠶魚鄧林之扶踈顧六翮之殘毀雖奮迅其焉如心懷歸而弗
果徒怨毒於一隅苟竭心於所事敢背惠而忘初託輕鄙之微
命委陋賤之薄軀期守死以報德其盡辭以效愚恃隆恩於既
往庶彌久而不渝

唐

黃鶴樓

迂舉按黃鶴樓古今題咏者計不下千人世遠跡陳無所於
考者衆矣正德戊寅惲副使魏大莧輯之得人一百九十八
得詩三百餘茲欲盡錄之則一樓爲詩三卷爲板百餘片篇
章不勝其繁他志事蹟反爲所掩矣茲錄其數篇讀者染指
可以知鼎味也岳之岳陽樓衡之合江亭常之桃源洞均之
武當山詩文不盡錄倣此例也

崔顥

昔人已乘黃鶴去，此地空餘黃鶴樓。
黃鶴一去不復返，白雲千載空悠悠。
晴川歷歷漢陽樹，芳草萋萋鸚鵡洲。
日暮鄉關何處是？煙波江上使人愁。

黃鵠山

李白

東望黃鵠山，雄雌半空出。
四面生白雲，中峰倚紅日。
巖巒何穹窿，峰嶂亦冥密。
頗聞列仙人，於此學飛術。
一朝向蓬萊，千載空石室。
金龜生烟埃，玉潭秘清謐。
地古遺草木，庭寒老芝朮。
予羨攀躋因，欲保閑逸觀。
竒偏諸岳，茲嶺不可匹。
結心寄青松，永俟客情畢。

南浦

孟郊

南浦桃花照水紅，水邊楊柳裊春風。
鳥鳴啾啾煙濛濛，自從遠

送對悲翁此翁已與少年別唯憶深山深谷中

鸚鵡洲

李白

鸚鵡來過吳江水江上洲傳鸚鵡名鸚鵡西飛隴山去
芳洲之樹何青青烟開蘭葉香風暖岸夾桃花錦浪生
遷客此時徒極目長洲孤月向誰明

又

崔塗

反望春襟鬱未開重臨鸚鵡益堪哀曾瞞尚不能容物
黃祖何

公解愛才

又

王周

岸生沙疊出江堤大別山前夕照西感恨無窮寄芳草
南望雲泣碧萋萋

夏口

杜牧之

溶溶漾漾白鷗飛，綠淨春深好染衣。
南浦北來人自老，夕陽長送釣船歸。

修靜寺

李白

我家伯海宅，作寺南江濱。
空庭無玉樹，高殿坐幽人。
晝常留青草，琴堂暮去塵。
平生種桃李，寂寞不成春。

江夏行

李白

憶昔嬌小姿，春心亦自持。
爲言嫁夫婿，得免長相思。
誰知嫁商賈，令人却愁苦。
自從爲夫妻，何曾在鄉土。
去年下楊州，相送青鵠樓。
眼看帆去遠，心逐江水流。
只言期一載，誰謂歷三秋。
使妾腸欲斷，恨君情悠悠。
東家西舍同時發，北去南來不逾月。
未知行李游何方，作箇音書能斷絕。
適來往南浦，欲問西江船。
正見當壚女，紅粧二八年。
一種爲人妻，獨自多悲恹。
對鏡便垂淚，逢

人只欲啼不如輕薄兒旦暮長相隨悔作商人婦青春長別離
如今正好同歡樂君去榮華誰得知

送夏侯子之江夏

賈至

扣櫂洞庭上清風千里來留歡一杯酒欲別復徘徊相見楚山
下漁舟憶釣臺羨君還舊里歸念獨悠哉

送康太守

王維

城下滄江水高高黃鶴樓朱欄將粉堞江水映微微鏡次發
夏口使君居上頭郭門隱楓岸候吏趨蘆洲何異臨川郡還夢康
樂侯

武昌老人說笛歌

劉禹錫

武昌老人七十餘手把庾令相聞書自言少小學吹竽早事曹
王曾賞激徃來征鎮戍斬州楚山蕭蕭笛竹秋當時買材恐搜

索典却身上烏貂裘古邑只蒼蒼封老節石上孤生飽風雲商聲
五音隨指發水中龍應雲行絕曾將黃鶴樓上吹一聲占斷秋
江月外今老去語猶遲音韻高低耳不知氣力已無心尚在時
時一曲夢中吹

送王九遊江左

孟郊

昔登江上黃鶴樓遙愛江中鸚鵡洲勢逐迤繞碧石而鴛鴦鷺
鵝滿沙頭沙頭日落沙蹟長金沙耀耀動颺光舟人牽錦纜浣
女結衣裳月明全見蘆花白風起遙聞杜若香君行采采莫相

忘

鸚鵡洲賦

羅願端

登黃鶴之高樓兮欣徙倚而四顧何南望而獨愁兮有正平之

遺德指垂堂而示戒兮何足以知君子之度方黨禁之既嚴兮
凜凜清議其尚存無罪而戮一介兮衆必爭起而謀譟士猶待
此而不忍兮時亦直情而徑行寧知嗾夫妄庸兮使之魚肉而
其心稽建安之事勢兮魏甚苑而漢枯每不忍其綴旒兮恩忠
憤之稍攄惟不擇其所發兮遂至於顛沛而闊疏當其解衣而
慢侮兮坐皆驚悸而失箸吾謂死於漁陽之慘搃兮何預乎鸛
鵲之一賦使英雄初無殺心兮雖頗困苦而終赦惟此客以校
我兮宜相與尸祝之不暇兵在頸而追救兮李尙以此欺天下
萬一僥倖而脫身兮終亦無以自全北海仗正而孥戮兮德祖
以倭而銜冤三人者蓋一體兮必且唇亡而齒寒嗟繁城之佐
命兮非不巧於自營翠四百之基柞兮與一身孰爲重輕來者
滔滔如江水兮攘臂而議先生詆文華爲浮薄兮至或以比乎

盆成苟吾言之獲信者猶足以吐千古之不平

南樓

舊名白雲樓

黃庭堅

江東湖北行畫圖鄂州南樓天下無高明廣深勢抱合表裏江山來盡閣雪筵披襟夏簟寒胸吞雲夢何足言庾公風流冷似鐵誰其繼之方公悅

又

張俞

城上新開百尺樓白雲人伴白雲留山川半倚三吳勝江漢常吞七澤流

又

王十朋

雲鎖呂公洞月明黃鶴樓抱關非故卒誰見羽衣游

南浦

寇準

春風入垂楊烟波漲南浦落日動離魂紅花泣微雨

磨劒池

梅詢

池心幽石尚差我池上何人更切磋
我有斫空三尺劒斷除煩惱不須磨

石照亭

賀鑄

西以夕陽晴東城石鏡明有山分八字共作兩眉橫

龍穴渡

梅詢

應龍昔此去雷雨助騰升舊穴潛蛟御風波橫要津

頭陀寺

黃庭堅

頭陀全盛時宮殿梯雲級城中空金碧雲外僧泐泐人亡經緯盡
屋破龍象泣惟有淮西碑文昌巍然立

孟孝子

張商英

孟宗泣竹筍冬生豈是青青竹有情大抵主張原有物人心但

不負幽寘

武昌阻風

方澤

江上春風留客舟，無窮歸思滿東流。
與君盡日閑臨水，貪看飛花忘却愁。

鸚鵡洲

陳孚

大江東南來，孤洲屹枯蘗。
中有千載人，殘骨寄偃蹇。
貽漢黨錮禍，縉紳半摧殄。
况復啖葛奴，盡使羽翼翦。
天乎鸞鳳姿，乃此侶。
樊大想當落筆時，酒酣王色洗。
鸚鵡何足詠，僅以雕蟲顯。
我來策蓬顆，清淚淒以泫。
尚恨迷幾先，不爲無道卷。
賢哉龐德公，一犁老襄峴。

郭渚晚眺

陳孚

三雀樓前不葉黃白雲飛盡鴈茫茫櫓聲搖月歸巫峽燈影紅
潮過漢陽庾令有塵汗簡用禰生無土蓋文章闌干只有當年
物留與行人記武昌

武昌故內

施鈞

煙樹蒼蒼水渺茫古今人物幾興亡鳳凰山冷雲猶合鸚鵡洲
荒草亦香江外鴈聲吳地遠雨餘秋色楚天涼停鞭欲問曹劉
事一曲漁歌又夕陽

夢武昌

揭傒斯

黃鶴樓前鸚鵡洲夢中渾似昔時遊蒼山斜入三湘路落日平
鋪七澤流鼓角沉雄遠地動帆檣高下亂維舟故人雖在多分
散獨向南池看白鷗

至正壬辰正月武昌失守

周霆震

黃鶴樓前帝子宮百年形勝控江東運籌聖業無豪俊流禍斯
厓總冠我天馬西來勲可樹河水北渡路難通一壺或負千金
重白髮丹心愧少同

御製

太祖高皇帝賜僧無念觀畢舟歸武昌

餘見德安府

舟行帆飽舵機古船室環樓光納海兩岸樹催風力健一江
湧屋威鮮邯鄲誰問黃梁夢少室梁來不二禪午夜雪山星忽
見前三三三苦空年

賜僧無念武昌歸隱

雲深入萬重山回首煙村遠世間初夜不聞三弄引三弄
曉四時寒天香馥郁盈禪悟月色精英照影間比似古唐

集此心無事與相關

仙棗亭

楚莊王

古亭何崔嵬架石白雲顛仙人昔畱憩種棗丹崖前靈根結石
扁崇陰翳苔軒遺芳已千載翳鬱猶依然我來值清秋繁石如
星懸欲招安期生海上来雲輶

遊九峯寺

楚莊王

細路千迴盡高峰九疊竒松陰深入寺泉脉遠通池雲鎖禪棲
室巖鑄聖製碑來遊因暇日林下儘幽期

九峰龍池

楚莊王